

ЫДЖЫДВИДЗ ДА ЫДЖЫДЛУН

Муртса воис ыжыдвидз -
Пызан вывъяс вежсис,
Вый, яй, йөвъяс водзö видз -
Улльунъяысь öвсьы.

Кушман, тшак да азя шыд -
Ыжыдвидзса сёян,
Кöть вот сёян мича кыд, -
Улльунъяысь полан.

Попö-"батыд" шуö со:
«Эн пö сёйöй улльунйөн,
Коді сёяс, сійö кулö, -
Оз öд примит сэнi ен.»

Висьтасьны со сідз жö корö -
Мыйяс грекъясыд нö эм;
"Код оз висьтась, сылы горе -
Не аддзывны пай олöм".

Воис гажа ыджыдлун -
Кристосöс ловзьöдны,
Öдйöнджык вичкоö мун -
"Шеваöс" дöзмöдны.

Со и вичко - йöзөн тыр,
Быдөн кутö биа сись,
Вугралігөн уна ныр -
Повзьö сиська биысь.

Ладан тшынөн вичко лöзмö, -
Кадилöыс пуркйö, -
"Кристос ловзьö" - сьылöм йургö,

- Йёзыс копыр "видзё".

Крест окавны йёз уськөдчис -
Мёда-мёдысь збоя,
Дерт өд, сійё писькөдчис -
Коді вына-соя.

Мөдіс сәні суматока -
Ставыс мыйкө суюсьё,
Мукөдыс сән вылі кока -
Юрнас улө суюсьё.

Өтиклаын: "Ой-ой
Ой-я менам юрөй",
"Чөртъяс, лэдзөй менсьым сой -
Энөй, мися, дурөй".

Вичкосянньыд гортад воин, -
Сёян, юан чөскыд,
Кольк, яй, йөвъяс сэки сёян -
Кынөмъясыд дзескыд.

Сэсся вөлөсьт кузя поп -
Керкась-керка ветлө,
Быд керкаысь поплы ноп -
"Ловзьём енмыд" кыскө.